

Pojedini brojevi:

U Beogradu i u krajevima neposredno od Beograda 10 helera
U ostalim krajevima 12 helera
U inostranstvu 400

Mjesečna pretplata:

U Beogradu i u krajevima neposredno od Beograda 10 helera
U ostalim krajevima 12 helera
U inostranstvu 400

Uredništvo: BEOGRAD, Vuka Karadžića ul. broj 10. Telefon broj 83.
Uprava i primanje pretplate Toplički venac broj 21. Telefon br. 26.
Primanje oglasa Kneza Mihajla ul. broj 38. Telefon broj 345.

Br. 12.

BEOGRAD, ponedjeljak 14. januara 1918.

Godina IV.

RATNI IZVJEŠTAJI

Izveštaj austro-ugarskog glavnog stožera

Kb. Beč, 13. januara.

Istočno bojište:

Primirje.

Talijansko bojište:

Na obim stranama fronta na Brennti pojačala se na vrijeme topnička vatra.

Načelnik glavnog stožera.

Izveštaj njemačkog vojnog vodjstva

Kb. Berlin, 13. januara.

Zapadno bojište:

Front prijestolonasljednika Rupprechta bavarskog:

Istočno i sjevero-istočno od Armentièresa, kao i u okolini Lensa podržavali su Englezi preko dana jaku topničku vatra. Topnička djelatnost pojačala se i na odsjecima.

Front njemačkog prijestolonasljednika:

Na mnogo mjesta fronta traje topnička borba. Odbijena su u borbi na nož francuska izvidjačka odjela, koja su sjeverno od Reimsa, u Champagne i sjeverno od Avoncourta preduzela prepad. Jugozapadno od Ornoisa zarobili smo prepadom nekoliko neprijateljskih vojnika.

Front vojvode Albrechta württembergškog:

Na istočnim maaskim visinama i u srednjim Vogesima bila je na vrijeme jača topnička djelatnost.

U mnogim vazdušnim borbama svađeno su jučer 6 neprijateljskih letjelica i 3 osmatračka balona.

Istočno bojište:

Ništa novoga.

Mačedonsko i talijansko bojište:

Položaj nepromijenjen.

Prvi zapovjednik glavnog stana pl. Ludendorff.

Pred važnim odlukama u Berlinu

Vijećanja kod cara.

Kb. Berlin, 14. januara.

Opšte se zaključuje, da se ovdje vode vrlo ozbiljni politički pregovori, pošto je u Berlin stigao maršal Hindenburg, prvi zapovjednik njemačkog glavnog stana pl. Ludendorff i njemački prijestolonasljednik. Ova pregovori su započeli prijemom prijestolonasljednika kod cara, a poslije njega su još primljeni od cara Hindenburg, Ludendorff i mnoge druge političke ličnosti.

Govori se, da će sutra biti kod cara veliko vijeće, na kojemu će biti prisutni maršal Hindenburg pl. Ludendorff, prijestolonasljednik i državni kancelar grof Hertling.

Kako javlja „B. Z. a. M.“ poslije završetka ovih pregovora biće od velikog upliva na daljnje vodjenje rata i razvijanja političkih prilika.

Mirovna sjednica u Brest-Litovsku

Rasprava o protestu njemačkog vojnog vodjstva.

Kb. Brest-Litovsk, 14. januara.

U svome odgovoru je predsjednik rusko-izaslanstva upozorio na to, da je u Rusiji dozvoljena cijelokupna njemačka štampa pa i ona, koja se slaže s gledištima ruskih reakcionarnih krugova i protivna je gledištima vlade narodnih komesara. U toj stvari dakle vlada potpuna jednakost, koja s pitanjem o primirju nema ničega zajedničkog. General Hoffmann je na to primjetio, da se njegov protest nije ticao ruske štampe, nego zvaničnih izjava vlade i zvanične propagandne djelatnosti, koja nosi potpis glavnog zapovjednika Kurlenka. Glavni zapovjednik na jugu i državni tajnik za spoljne poslove nisu vršili sličnu propagandu. Trocki je na to odgovorio, da uslovi pregovora o primirju nijesu sa državali nikakva ograničenja za izjave mišljenja građana ruske republike, vladajućih ili njezinih krugova, ni su ih morali sadržavati. Državni tajnik pl. Kuhlmann je na primjedbu predsjednika rusko-izaslanstva utvrdio, da je nemješavina u

Američka pomoć: hljeba mjesto vojnika. — Engleski radnici i Irci protiv Lloyd Georgea — a za skori mir.

ruske prilike davnaš je načelo njemačke vlade, ali koje, po sebi se razumije, zahtjeva slični postupak i s druge strane. Trocki je odgovorio, one stranke, koje pripadaju ruskoj vladi, priznale bi kao korak unaprijed, kad bi njemačka vlada sa svim otvoreno iskreno iskazala svoje gledište o unutarnjim prilikama Rusije, ukoliko bi ona to smatrala za potrebno. Poslije ovoga je sjednica zaključena.

Wilsonova poslanica

Program licemjerstva.

(Naročiti brzojav „Beogradske Novine“)

Berlin, 14. januara.

„Berliner Lokalanzeiger“ naziva Wilsonovu poslanicu mirovnim programom licemjerstva i veli: Među onih 14 tačaka ima i takvih, koje usvajaju i središnje vlasti, čak šta više takvih, za koje su se one same založile. Onaj pak, koji traži ostvarenje tačaka 8, i 13, uvjeriće se, da sve laskave riječi, koje se upućuju na adresu njemačkog naroda i njegovih slobodnih političara neće moći ukloniti sa svijeta činjenicu, da će se cio njemački narod, koji je u tome jednodušan sa vladom i vrhovnim zapovjedništvom, do posljednje kap krvi boriti, da bi onemogućilo ostvarenje takvih ratnih ciljeva.

Dogadjaji u Rusiji

Potpun sporazum između ruske i ukrajinske vlade.

Kb. Amsterdam, 14. januara.

„Allgemeen Handelsblad“ objavljuje vijest petrogradskog dopisnika „Daily Newsa“, da je pregovorima došlo do potpunog sporazuma između ruske i ukrajinske vlade.

Uspjesi boljševika protiv Kazaka.

Kb. Petrograd, 13. januara.

Boljševička odjeljenja zauzela su željezničke stanice Balčevo, Snovskaja i Semenovsko.

Rusija ne plaća.

(Naročiti brzojav „Beogradske Novine“)

Petrograd, 14. januara.

Ruska je vlada naredila, da se u buduću ne smiju isplaćivati kuponi i dividende.

Protiv središnje rade.

Kb. Petrograd, 14. januara.

Kako se iz Kijeva javlja, otpor protiv središnje rade postaje sve veći. Među četama središnje rade vlada velika uzrujanost.

Porast boljševičke vlade.

Kb. Stockholm, 13. januara.

Petrogradski specijalni dopisnik stockholmske „Politiken“ tvrdi, da je broj organizovanih boljševičkih članova od jula prošle godine porasao od 250.000 na po milijuna. Boljševički organ „Pravda“ izlazi dva puta dnevno u nakladi od 180.000 primjeraka. Do sada je za ustavotvornu skupštinu izabrano 240 boljševičkih poslanika.

Ukrajinske čete zaposjele Bahmač.

Kb. Petrograd, 14. januara.

Ukrajinske čete zaposjele su poslije vrlo krvave borbe Bahmač u černo-govskoj guberniji.

Borbe na zapadu

Povjerenje francuskoj vladi.

Kb. Paris, 14. januara.

Prema utvrđenom rezultatu komora je 377 protiv 119 glasova primila dnevni red, kojim se izjavljuje povjerenje vladi. Manjina od 85 glasova sačinjavaju socijaliste, 23 socijalističkih radikala, 3 republikanska socijalista i 2 nezavisna.

Iz francuske komore.

Kb. Paris, 13. januara.

Ministar spoljnih poslova, Pichon, ukazuje na teškoće i zajedničke nevolje sporazuma u sadanjem trenutku. Prije svega glavno je to, da su u osnovu svi složni. Albert Thomas naglašava, da bi se obzirom na izjavu Lloyd Georgea trebalo proučiti 14 članaka Wilsonovih, da li se mogu davati zajedni-

ke izjave. U poslanici Wilsonovoj navedene su naročito Srbija, Rumunija i Poljska. Dakle moguće je odrediti ove tačke. Briand upozorava, da je u ime saveznika dao odgovor Wilsonu, no središnje vlasti nijesu poziv Wilsonov za objavljenje ratnih ciljeva uzeli u obzir, te sada Sjedinjene Države znaju, na čijoj je strani dobra vjera. Pichon izjavljuje, da je Njemačka, proklamirajući tek reda radi princip mira bez aneksija, to tako razumjela, da osvojene oblasti zadržati.

Položaj je u tome, da su savezne zemlje objavile svoj princip za trajni pravedan mir, da su dalje izjavile, da će međusobno prijedloge ispitati, koje bi ih eventualno podnio protivnik. Renault se stavlja na stanovište zajedničke izjave saveznika i traži saziv konferencije. Zatim je komora, kao što je javljeno, sa 377 protiv 113 glasova, primila dnevni red, kako je vlada predložila. Komora odobrava izjavu vlade. Ona ima povjerenja u to, da će se energičnim nastavljanjem rata potpuno popraviti, šta je sila zloupotrebila, da će se opet ustanoviti vlast pravičnosti u međunarodnim odnosima i da će doći do trijumfa demokracije. Na to se prešlo na dnevni red, koji je prihvaćen dizanjem ruke, a onda je sjednica zaključena.

Smanjenje proizvodnje municije.

(Naročiti brzojav „Beogradske Novine“)

Bern, 13. januara.

U municionim tvornicama ženevskog kantona otpušteno je preko 1500 radnika. Govori se, da je ovo smanjivanje proizvodnje nastupilo zbog toga, što su Francuska i Engleska u posljednje vrijeme poručile mnogo manje municije.

Engleska

Nova organizacija admiraliteta.

Kb. London, 13. januara.

Reuter: Provedena je nova organizacija admiraliteta. Novi članovi su: kontra-admiral Sir Sidney Freemantle i George Hope; odstupaju: Arthur Paase, upravnik sjevero-istočne željeznice, kontra-admiral Henry Oliver i kapetan Godfrey Paine.

Archibald Hurd kaže u „Daily Telegraphu“, da će nova imenovanja u admiralitetu ukloniti strahovanja, kao da bi se namjeravala brza promjena u glavnim potezima mornarice.

Protiv Lloydovih ratnih ciljeva.

(Naročiti brzojav „Beogradske Novine“)

Rotterdam, 13. januara.

„Morningpost“ javlja, da su se engleske radničke organizacije, a u prvom redu organizacija liverpolskih lučkih radnika, izjavile protiv ratnih ciljeva Lloyd Georgea. Isti list javlja, da su se u donjem domu složili radnici i Irci, da sruše vladu Lloyd Georgea i porade, da dodje do skorog mira.

Mikado — britanski maršal i obratno.

Kb. Bern, 13. januara.

Povodom nove godine podijelilo je engleski kralj japanskom caru dostojanstvo britanskog maršala, na šta je Mikado odgovorio imenovanjem kralja za japanskog maršala.

Potonuo engleski torpedni lovac.

Kb. London, 13. januara.

Reuter: Admiralet javlja: Torpedni lovac „Hacoon“ nasjeo je na jednu stijenu za vrijeme snježne vijavice, te je potonuo zajedno sa posadom. Do sada je nadjeno 22 lešine.

Amerika u ratu

Žito, a ne vojnike.

Kb. Rotterdam, 13. januara.

„Rotterdamsche Nieuwe Courant“ skreće pažnju u jednom članku na današnji izvještaj Reuterovog ureda, kako američka vlada na to misli, da u Evropu umjesto vojnika pošalje žita, te kaže, da alternativna „vojnici ili žito“ znači, kao da za oboje zajedno nema više brodske prostora.

Njemački glas o vijesti.

Kb. Berlin, 14. januara.

Povodom vijesti iz Washingtona, da će Amerika slati u Evropu pšenice, ali da neće slati vojsku, veli se u „Nordd. Allg. Zeitung“, da vijest, koju je

Reuterov ured u zvaničnom vidu rasprostrto, znači težak udar za stvar sporazumnih sila u četvrttoj radnoj godini. Kad se ova vijest razgloti od njenog zvaničnog zamotavnja, onda se vidi odluka Amerike, da se u doglednom vremenu ne želi pojaviti na evropskom bojištu.

Velika studen i vijavica u Americi.

Kb. New-York, 14. januara.

Zbog snježne vijavice, kakova se već davno ne pamti, krekinut je željeznički promet za Chicago. Trgovinski promet je stao. Zbog velike zime ne mogu se otpremati vozovi sa ugljenom.

Japansko-američki sporazum

Objavljenje razmjena nota.

Kb. Berlin, 14. januara.

U Washingtonu je obnarodovana razmjena nota između Japana, Unije i Kitaja o tako zvanom japansko-američkom sporazumu i protestu Kitaja protiv istog. Govoreći o tom obnarodovanju veli „Manchester Guardian“, Lansing i Iši tvrde, da je nov sporazum bio potreban, jer je Njemačka sijala zavadu između Unije i Japana. Međutim je jasno, da njemačke intrige ne mogu biti odgovorne za nesuglasice između obe zemlje. Mi smo nedavno saopštili ispad jednog uglednog japanskog publiciste, prema kome je Unija najgori protivnik japanskih interesa. Takve izjave mogle su se u japanskoj štampi sa svim slobodno donositi. Sad je baš obnarodovan jedan sporazum, prema kome će Japan naoružati kitajsku vojsku. Taj se prijedlog sa svim prirodno s mnogih strana prestavlja kao obnavljanje u drugom obliku onih poznatih 21 zahtjeva grupe 5, prema kojima je Japan htio Kitaj još god. 1905. da stavi pod svoj protektorat. Američki poslanik u Pekingu se pokazao jako uznemiren zbog tih pregovora, pa ga s toga japanska štampa žestoko napada. To se doista ne može objasniti njemačkim intrigama, već ni s toga, što se ovaj događaj desio poslije zaključenja japansko-američkog sporazuma.

Italija u ratu.

Oskudica u Italiji.

Opšte žaljenje na sporazum.

Kb. Beč, 13. januara.

Javljaju iz glavnog stana za ratnu štampu: U listu „L'Homme Libre“ američki književnik Whitney Warren opisuje privredni i industrijski položaj Italije, ističući, kako tamo vlada potpuna oskudica u životnim namirnicama i sirovinama. Usto na polju ishrane ne dostaje organizovana razdoba postojećih zaliha. U Italiji veli on, sve se većma žale, kako sporazumne sile mnogo manje pomažu Italiju, nego i ostale saveznike. Amerika je bila obećala izdašnu pomoć, a da do ove u stvari još nije došlo. Položaj se mora smatrati vrlo ozbiljnim i iziskuje hitne mjere.

Samostalna Finska

Strah pred novim nemirima.

Kb. Stockholm, 13. januara.

„Dagens Nyheter“ javlja iz Haparande, da se u Finskoj plaše zbog novih nemira, jer je držanje crvene garde, koju podupre ruska soldateska sve opasnije. U Helsinkforsu provalila je crvena garda u kuću prijašnjeg guvernera, pa je jednako kao i u senatu izjavila, da ne priznaje nikakve zakone. Govori se, da predstoje aktivna preduzeća protiv finskog sabora i senata.

Velika rudarska nesreća u Engleskoj

Zatrpano 247 radnika.

Kb. London, 13. januara.

U jednom rovu u Halmer End u Northstaffordshire dogodila se jutros vrlo velika eksplozija. Za vrijeme eksplozije nalazilo se u rovu 247 rudarskih radnika. Do sada je izvučeno iz rova od prilike njih 60. Misli se da je broj mrtvih vrlo velik.

Do sada spašeno njih samo 11.

Kb. London, 13. januara.

Prema posljednjim vijestima o rudarskoj nesreći u Halmer Endu, izvučeno je do sada iz rova 11 živih radnika i nekoliko leševa. 140 ljudi još je zatrpano u rovu. Postoji malo nada, da će se preostale moći da spasi.

Najnovije brz. vijesti

Njemački državni kancelar u pruskom saboru.

Berlin, 14. januara.

Njemački državni kancelar govoriće na 15. o. m. u pruskom saboru.

Prilike u Španiji

Generalni štrajk i nemiri u Španiji.

Zbog oskudice u životnim namirnicama.

Kb. Madrid, 13. januara.

Glasa se, da je u Barceloni iznenada zbog oskudice u životnim namirnicama izbio generalni štrajk. Došlo je do vrlo burlihih demonstracija. Bijesna svijetina razbila je i opljačkala sve javne lokale, kafane i pozorišta. Mnogo je osoba uhapšeno i ranjeno. Iste vijesti dolaze i iz drugih gradova, a sve zbog oskudice u životnim namirnicama.

Grad i okolica

Dobrotvorna predstava ruskih ratnih zarobljenika.

Juče, u nedjelju, 13. januara održana je predstava pred prepunom kućom u velikoj dvorani mjesne etapne menaže, Terazije 25. Dvije pozorišne igre, svaka u jednom činu, ali sa više sadržine, nego većina najnovijih veselih igara: Čehovljeva „Medved“ (Medvjedi) i „Predlog“ (Predloženi), korovi i pjesnički dio, zadobili su neobično odobravanje obradovane publike, a naročito pri igri narodne ruske igre „Chopak“, koja se morala ponoviti. Predstavljajući su imali dobru upravo i u stručnom i jezičnom pogledu, ali su imali na raspoloženju samo četiri dana vremena, što se nije upošte ni primjetilo; mjestimice se činilo, kao da igraju glumci od zanata. Materijalni rezultat bio je odličan.

Smrtni slučaj.

Juče ujutro umro je ovdje u Beogradu gospodin Johan Slavik, otac člana redakcije „Belovrader Nachrichten“, gospodina Richarda Slavika. Pokojnik je bio u 78. godini. U prijašnja vremena bio je saksonski poljoprivredni činovnik, a od jesenas se nalazio u Beogradu. Nije još određeno, kad će biti pogreb, a mi ćemo to naknadno javiti.

Prodaja petroleja.

Otpočela je prodaja petroleja na broj kupona 14. Petrolej se kao i do sada izdaje u određenim količinama a po cijeni od K 1.50 od litra, a kao i ranije kod gospođe Jelen Eganović, u Braće Nedića ulici broj 25.

Vojno kupatilo parno i u kadama u Beogradu.

Utorakom cijelog dana zatvoreno.

Dnevna temperatura u Beogradu 13. januara:

Maksimum u sjeni +8, — (prema predjašnjem danu toplije za 1,5), na suncu +18,8 (hladnije za 3,3); temperatura zemljine površine +4,2 (toplije za 0,2); minimum +1,0 (toplije za 8,2) po Celsiju, oborine 2,1 m/m.



Vaša ruka

dobiva baršnavu mekoću, ako prije spavanja upotrebljavate Diana Crème, a nakon ustajanja Diana Alabaster puder. Mala doza ili ionički K. 2—velika K. 4—

Može se posuda dobiti. Glavno stovarište „DIANA“ Handels A. G., Budapest V. Nádor utca 6.

CIJENE OGLASIMA:

Osmina jednog milimetarskog retka (42 mm široko) staje . . . 10 helera
Pripisano: Petina jednog milimetar, retka (70 mm široko) staje . . . 40 helera
Bilješke: Petina jednog štamparskog retka (70 mm široko) staje . . . Kruna 4
Mali oglasnik: Jednostavna riječ 7 helera, sa masnim slovima 14 helera.

MALI OGLASI:
PRIMAJU SE: KNEZ MIHAJLOVA UL. 38

CIJENE OGLASIMA:

Osmina jednog milimetarskog retka (42 mm široko) staje . . . 10 helera
Pripisano: Petina jednog milimetar, retka (70 mm široko) staje . . . 40 helera
Bilješke: Petina jednog štamparskog retka (70 mm široko) staje . . . Kruna 4
Mali oglasnik: Jednostavna riječ 7 helera, sa masnim slovima 14 helera.

Dentista F. B. Brill
Beograd.
Makedonska ulica broj 8.
(do pošte)
Amerik. specijalista



ČUBE vještačke u zlatu
u kucuku samo se
mome ateljeu izrađuje po
najboljem
originalnom
amerikanom sistemu. Prvi
nam od 8-12 i 2-6.

Kupovine i prodaje.

Ženske cipele
plutke i duboke, odlične, pred-
ratni materijal, br. 34-38. Po-
vojne cijene. Na par i na
više. Radnja Kralja Aleksandra
ul. ca 10. 34315-2

PRAVOG TURSKOG RATLUKA
ima na stovarištu u de-
katesnoj radnji Dimi-
trije Trandafilidis, Knjaz
Mihajlova ulica 24 i pro-
daje na više i na malo
uz umjerene cijene. 34661-2

Kostim

dobro očuvan, fini, prodaje se.
Beogradska ul. br. 39. 34671-2

Sapun za rublje

domaći, odličan za pranje. Stij-
gla je nova partija, a prodajem
i na manje količine uz jeftine
cijene u mojoj radnji K. Feld-
mann Vuk Karadžić ul. 8. 34643

Namještenja.

Služavka za sve.
Plata dobra i kost. Javiti se od-
mah, Pivarska ulica Nr. 23. 34654

Stanovi.

Stan
za proleće, 2-3 sobe sa ulice
u sredini varoši traži se. Javiti
u Knjižari „Napredak“, Beo-
grad, Knez Mihajlova 9. 996

Elegantna soba

za otmene gospodina izdaje
se odmah, Kolarčeva ulica 2,
preko puta Guvernermana. U-
pitati g-dju Aleksić. 34675-4

Elegantan stan

s namještenjem i zasebnim ula-
zom traži se. Obratiti se oglas-
nom odeljenju pod šifrom
„702 stan“. 34664-4

Razno.

Djaci koji bi hte-
li za godi-
nu dana da svrše III i IV
razred gimnazije, neka se
obrate u Hilendarsku ul.
broj 42. 34681

Svojim posjetiocima i gosti-
na iz mjesta i sa strane Go-
tione „Cvetni Trg“ sa najlep-
šim željama čestitaju novo ljetno
— 1918. godinu. Maca i Vla-
dimir Kresojević. 34689-5

Prodavanja.

Časove iz crtanja i malanja
daje g-djica Angelija L. Laza-
rević, Saffarikova ul. 4. Bilje-
že se može izvestiti i u knjižari
g. Cvijanovića. 34646

KORESPONDENCIJA.

Jovanu Premoviću, Gene-
va, da dostavi Dragutinu Sta-
zenkoviću, advokatu, — Case
3545 M. B. Geneve. Molim Vas
izvestiti moga supruga Dra-
goljuba Vasića pešad. kapetana,
da sam sa djetetom zdravim
i da se nalazim u Beogradu
kod kume. Novac neka salje
na adresu kumini i češće da
se javlja. Dragoljuba pozdrav-
ljuje a Vama blagodare Laza
i Nadežda Dr. Vajića, Beograd,
Vodovodna 15. 34656

Jovanu Premoviću, Geneva
Učtivo molim, da me izve-
stite za moga brata Aleksu Mi-
lićkovića iz sela Ljuljoka, sreza
Gružanskog, okruga Kraguje-
vačkog, koji je kao regrut oti-
šao u transportu iz Čačaja u pr-
voj polovini septembra 1915.
god. i do danas se o njemu
ništa ne zna.
Molim javiti ako se tamo
nalazi, i kako bi mogao što o nje-
mu znao izviti javiti na moju
 adresu. Unapred Vam blagoda-
rim Vami i svakome, ako bi mi
što o njemu javio.
Ljubomir Milinković Komo-
ran meče Ebel. a 2864

Jovanu Premoviću, Geneva.
Tvoju sam kartu od 14-XII pri-
mio. Radnja Milovanova bila
je opasno bolesna od zapaljenja
pluća i tifusa. Sada je sasvim
dobro i na putu je p tpuorne
ozdravljenju. Meni je pisala da
Milovan ne brine ništa i da je
poslednja suma od Kr. 800 pri-
mila. Pozdravlja te Sava Mičić,
Otrrenovac. 34650

Jovanu Premoviću, Gene-
va, da dostavi Marku Stojan-
oviću, advokatu i guverneru
Narodne Banke, Marselj. Mo-
joj vlastodavci g-dji Katar ni
A. Delini veoma je potrebno,
da što pre ima legaliziran
prepis testamenta njenog po-
kornog sina Nikole Delini,
apotekara. Stoga vas molim,
da ovjeren prepis kod lega-
cije, koja zastupa austro-u-
garcke interese u Francus-
koj, ovjerite i preko špan-
skog poslanstva pošaljete na
moju adresu. S poštovanjem
Živojin M. Simić, advokat,
Pivarska ulica Nr. 23, Beo-
grad. 34653

Jovanu Premoviću, Geneva
Molim Vas poradiće gde tre-
ba, da nam se pošalje novčana
pomoć na ime invalide za po-
ginule: Dragić Costé III pre-
kobrojni puk poginuo 1914. i
Nikola Costé, podnarepnik 17
puka poginuo 1914., ostavljeni
nas bez pomoći u oskudici sa
nejakom decom.
Bljé Vam blagodarne Petri-
ja Costéa i Zagorka Costéa iz
Suvođanja, Kamenica Valjevo,
a 2863-9

Jovanu Premoviću, da do-
stavi Act Dinicu, Geneva. Mo-
lim, dostavite mome mužu Djo-
ki Proticu, glumcu, da sam se
preselila u Beograd. Neka po-
šalje odmah novac. Unaprijed
blagodarna Katica Doko Pro-
tića, Ružina ulica 38, kod Pave
Petrović, Beograd. 34652

Jovanu Premoviću, Casse
3545 M. B. Geneve, Suisse.
Molim da me izvestite o Vi-
tomiru N. Komadinicu, koji je
otišao sa svojom jedinicom pri
povlačenju srpske vojske i do
danas se nije javio. Molim vas
za izvještaj i traži ga njegov
kum Milan Radojković, Kolar-
čeva ulica 9, Beograd, 34599-8

Jovanu Premoviću, Gene-
ve, Suisse, Casse 3545. Poro-
dica lije i Andjeljka, braće
Tasića, trgovca iz Kumanova,
ne zna za njih već dvije go-
dine dana.
Ilija je bio u Solunu sa stan-
om u Hotel „Schora“ a An-
djelko pisar pri okružnoj ku-
manovskoj komandi na Krfu.
Molim vas, da se izvestite
za njih i što o njima budete
saznali da me izvestite.
Unaprijed blagodarna u ime
porodice Tasića: Draga Kova-
čevića, Beogradska br. 34,
Beograd. 34676-8

Jovanu Premoviću, Geneva,
da dostavi Kostj Spasjievicu,
Hotel Thermanus, Geneva. Naj-
pokrtnije vas molim gospodine
Kosto, da ovaj oglas, koji je
upućen za moga muža Vladi-
mira K. Petkovića, trg. iz Kru-
ševca, dostavite mu. I molim
vas, da me izvestite, šta je sa
njim, i jeli zdrav, pošto mi se
ne javlja već četiri mjeseca.
Dragi Vlado, Od tebe nemam
već četiri mjeseca nikakva iz-
vještaja, nego te molim, da me
odmah izvestiš, šta je s tobom,
jer čujem, da si bio bolestan.
Stoga, i preko novina i pismom
odmah odgovori. Za mene i
djecu ne brini ništa. Novac mi
ne treba: nemoj da šalješ. O
sebi vodi računa. Zdravlje ču-
vaj. Novaca, ako ti treba, uzmi
od prijatelja, a mene odmah
izvesti, da dođem u rodjaku
predam. Moja i dečja je želja,
da se slikaš i da sliku pošlješ.
Orle te i ljube svi tvoji. Tvoja
Ljuba Peković, Kruševac. 34674-8

Pavlović Petar iz Velike
Vrbice, sreza Ključki okrug Kra-
jinski izvještava svoju familiju,
da već dvije godine od nje ni-
kakva izvještaja nema pa je sto-
ga u velikoj brizi.
Ilija Paulović i Nikola Flo-
rić iz Istoga sela nalaze se ovde
zdravi. Petar je zdrav i živi
dobro. Neka mu familija, ili ma
ko od poznatih, koji šta o Istoj
znade, javi stanje njeno na a-
dresu: Paulović Petar K. Nr.
8810 Bäckerei Lagergruppe 7,
Aschach a/D. O.-Österr. a 2866-8

Todorović Dragutin iz Br-
ze Palanke, okruga krajinskog,
izvještava svoju familiju da već
dvije godine nema nikakvih iz-
vještaja od nje. pa je stoga u
velikoj brizi. Petrović Dragu-
tin, Sučić Dušan i Mihailović
Dimitr je nalaze se zdravi ovde.
Neke mu familija ili ma ko od
poznatih javi stanje iste preko
Beogradskih novina na adresu:
Todorović Dragutin Nr. 8873,
Lagergruppe 7, Bäckerei Asach
a/D. Ob. Östereich. a 2867-8

Jovanu Premoviću, Geneva.
Molim, zauzmite se, da mi se
pošalje pomoć na ime plate
moga muža Alekse Stanišića,
finansijskog narednika beograd-
ske Carinarnice, koji je otišao
po dužnosti i do danas mi se
nije javio. Do danas nisam pri-
mila nikakvu pomoć, a bolesna
sam i u velikoj oskudici. S po-
štovanjem Draginja Stanišić,
Laudanova ul. Nr. 36 34681g-8

Manojloviću Lazaru — Pa-
raćin. Molimo vas da izve-
stite naše familije, da smo mi
zdravi i da živimo dosta dobro.
Neke nam se javi preko Beo-
gradskih Novina na adresu:
Pavlović Borivoje Nr. 8809 iz
Paraćina, H džić Radislav Nr.
8701 iz Slavice. Lagergruppe 7
Bäckerei — Aschach a/D.; O.-
Oest. a 2866-8

Jovanu Premoviću, Gene-
va, da dostavi Leonu de Leonu
Geneva. Molim javite mome
bratu Avramu Berachu pešad.
p.-pukovniku ovo: Majka mi
je poručila da mu javim, da je
ona sa Elom zdrava i da ništa
ne brine o njima. Neke se ja-
vlja preko Sami Ozma. Poz-
dravlja Moša Beracha, trgovac,
Sabac. 34666-8

Jovanu Premoviću, Geneva.
Rešenjem Beogradskog Suda od
19 augusta 1915 g., dosudjena
ej meni i sestoru djece Inva-
lida u sumi od 860 din. za po-
ginulog mog muža Stevana Ru-
žića, kaplana 3. čete, 2. bataljona,
7. puka III. poziva. Molim po-
radite, da mi se šalje pomoć,
jer sam u oskudici. S poštova-
njem Julka Ružić, zemior. iz
Rušnjak, okr. beogradski. 34672-8

Jovanu Premoviću, Geneva.
Molim izvestite me za Stani-
sava Milenkovića, vojnika, iz
Skriljevca, na adresu lije Stano-
jevića, Jagodina, Rathans-
strasse 17. 34668-8

I. ELEKTRO-MEHANICKA RADIONICA
MILUTINA S. MARKOVIĆA
Terazije Nr. 8.
Vrši opravke: gramofona, šivaćih mašina
i ostalih mehaničkih stvari.
1073

Stare i neupotrebljive kao polupane
GRAMOFONSKE PLOČE
primaju se po najvećoj cijeni kod Arona Kalderona,
Kralj Milana ul. 116, ugao Kralj Milutinova. 34658

Gradjanski sud c. i k. okružnoga zapovjedništva Beograd-grad.
Br. 4782/1917.

Objava.
iz posjeda se protokolirane tvrtke „May R. Mikša“ u
Szegedu navodno izgubila mjenica. Tekst je glasio:
„Stempel 1 kr. Nr. 7312. Szeged, den 15. April
1914. K 1300.— Am 30. Juli 1914. n. Styl zahlen Sie
gegen diesen Prima Wechsel an die Ordre unseres Ein-
geenen . . . Kronen Eintausenddreihundert Werth in
Waren ohne jeden Bericht. Acceptiert Despotović &
Tomić m. p. Scheinberger & Popper. Herrn Despotović
& Tomić. Sabac. Zahitbar bei den Acceptanten.“
Na poleđnici:
„Zahlen Sie an die Ordre des Herrn Max R. May
Werth erhalten. Szeged, 27.-VI.-1917. Scheinberger &
Popper. Zahlen Sie an die Ordre der Banque Andréevits
& Co. in Belgrad. Werth zum Inkasso Max R. May. Zahit-
bar an die Ordre der Sabačka banka in Sabac. Werth
zum Inkasso Banque Andréevits & Co. A. G.“
Temeljem §. 204. srpskoga gradjanskoga postupka otvara
se amortizacijom postupak i poziva se svaki držalac mjenice,
da je u roku od 101 dana ovome sudu predloži, jer će se inače
proglasiti mjenica utnulom.
Beograd, 27.-VII. 1917.
Dr. Boros m. p.
Desider Radukić 34572 sudija.
sudski kancelista.

EKSPOZITURA
MAGJARSKE ESKONTNE I MENJAČKE BANKE
U BEOGRADU, KNEZ MIHAJLOVA ULICA BR. 32.
izvršuje isplate pismenim i telegraf.
skim putem ratnim zarobljenicima i
interniranim licima pod najpovoljnijim
uslovima.
Savjetnik Ekspoziture Kosta J. Po-
pović Direktor Narodne Banke. 34109

Naše krasno i jedino djete, naše blago, život, nada, naš
mili sin
† Stefan (Stevće) Baša
Student II g. prava na Pariskom fakultetu,
podleže kratkoj ali teškoj bolci noću 13. decembra u cvijetu
mladosti u svojoj 21. godini, a sahranjen 15. decembra 1917.
god. u Parizu ostavivši nas, da za njim za navek tugujemo.
O svojoj neprebolnoj rani izvještavamo prijatelje, rodjake
i drugove svoga sina.
Beograd, 12. januara 1918. god.
Nentešni roditelji otac: Sima Baša, trgovac; mati: Paraskeva.
Duboko ožalošćeni: stric i strina Jovan i Katina Baša; deda Djordje;
stare majke Marija i Anastasija Stefiki; tetke: Teano D. Mironji, Pa-
raskeva Kritić, Ana Krallis; teče: Konstantin Kritić, Periklis Krallis;
ujaci: Ilija Stefiki, Konstantin Zotta i ostala mnogobrojna rodbina. 34670

Nove cijene „Beogradskih Novina“
počev od 1. januara 1918.
Uslijed neprekidnog poskupljivanja materijala potreb-
nog pri izdavanju lista, prinudni smo cijene „Beogradskih
Novina“ za malenkost povisiti.
CIJENE „BEOGRADSKIH NOVINA“
su počev od 1. januara 1918. slijedeće:
Cijena pojedinog broja:
u Beogradu i u području gubernije u Srbiji 10 helera
u Monarhiji 12 helera
MJESECNA PRETPLATA:
u Beogradu, u području gubernije u Srbiji za
bojne i etapne pošte K 2.50
u Beogradu sa dostavom u kući K 3.—
u monarhiji K 3.—
u inostranstvu K 4.50
UPRAVA „BEOGRADSKIH NOVINA“
Topličin vijenac 21.

SIMFONIJSKI KONCERAT
u pozorišnoj dvorani posadne menaže „Kasina“
Terazije 25.
U ponedjeljak 21. januara 1918. godine
Prethodna prodaja karata u knjižari „Süd-Ost“ (Jugo-Istok)
i na dnevnoj blagajni (Terazije 25).

Objava.
Iz posjeda Radomira Rajkovića iz Beograda,
Mokroluška (Bežetina) ulica 1. nestala je jedna za-
ložnica beogradske založne banke.
Tekst je u ćirilici glasio:
„Beogradska založna banka, osnovni ka-
pital 1,000,000 din. u sopstvenoj kući Dobra-
čina ul. Telefon 411 založnica broj 1372
važi za donosioca, zajmovi na stvari.
Založeno 15. marta 1914. Rok 15. juni 1914.
Kamata —%, Mag. kir, %, Osiguranje, svega,
— zajam din. 50. Potpis, Blagajnik, Potpis
Sef likvidature. Potpis Upravnik.
Na temelju § 204 srpskoga gradjanskoga postupka
otvara se amortizacioni postupak i svaki se držalac
založnice posiva, da istu u roku od 101 dana ovome
sudu predloži, jer će se inače založnica proglasiti
utnulom.
Beograd, 24.-VIII.-917.
Za ispravnost Radukić. Dr. Bolla 34636

Ugalj za domaću upotrebu
!! prispio !!
Prodaje se na Terazijama 38, u trgovini Dj.
Mitrovića. 34660

Ručni mlin 1979
Trgovcima
rabat!
Trgovcima
rabat!
Iz Beograda
Našoj dragoj rodjaki
Danici Mil. Pećanac
davaćemo četrdesetodnevni pa-
rastos u subotu 12. januara t.
god. u 11 sati prije podne u
Jagodinskoj staroj crkvi, o če-
mu izvještavamo porodicu,
srodnike i prijatelje pokojni-
ćine.
Jagodina, januara 1918.
Untere Haupt-strasse 116.
Zorka i Milan Mil. Matejić trg.
A 2862
„D. Strucin, Beč 18. Bezirk Nöhhengasse 4“.

Oglašujte u Beograd. Novinama
Naručujte
KALENDARE
za 1918. god.
U našoj nakladi izašli su slijedeći KALENDAR:
BOSANSKI PRIJATELJ, narod. kal. Cijena 80 hel
ZEMAN, muslimanski kal.
VAKAT,
BOSAN. VOJNIČKI KALENDAR
Osim toga ćirilicom:
SIMO MILUTINOVIĆ Cijena 80 hel
KRAJŠNIK
TEZAK
NJIVA
GRANIČAR
VUK KARADZIC, Vel. narod. kal. K 1.40
Dobivaju se u svim knjižarama i trafikama ili u na-
kladnoj knjižari
D. & A. KAJON, SARAJEVO
Preprodavačima veliki rabat. 987